



25. juli 2022

UKA 2022/93

Hermed fremsættes følgende beslutningsforslag i henhold til §33 i Forretningsordenen for Inatsisartut:

**Kommunit aqqissugaanerisa allannguutaat<sup>1</sup> pillugit Naalakkersuisut nalilersuinissamik suliaqaaqqullugit peqquneqassasut Inatsisartut aalajangiiffigisassaattut siunnersuut. Aqqissuussaanermi allannguutaasimasut pitsaaqautai ajoqutaalu nalilersorneqassapput, sumiiffimmilu demokratiimut kommunillu aningaasaqarnerannut sunniuteqarsimanersoq, kiisalu allaffissornikillisaaniarnermut siunertaasimasoq piviusungortinneqarsimanersoq nalilersorneqassallutik. Nalilersuineq UPA2024 nallertinnagu Inatsisartunut agguaassorneqassaaq.**

(Medlem af Inatsisartut Aqqalu C. Jerimiassen, Atassut)

### **Tunngavilersuut**

Oqartuartaagut kiffaanngissuseq, oqartussaaqataaneq, nunap inui, inuiaqatigiinni toqqissisimaneq, inuttaasut qitiutillugit.

Illuanilli inuiaqaterpassuagut nilliajuarput, oqartussaaqataanerup qanoq amingaartigineranik.

UKA2020/38-mi Atassummiik ima qulequtalimmik apeqquteqaat aallaavingalugu oqallisissiamik saqqummiussaqaarnikuuvugut: ” *Kommunik aqqissuusseqqinneq nalilersortariaqalernera pillugu apeqquteqaat aallaavigalugu oqallisissiaq*”.

Oqallinnermilu partiit isummersuutaat eqqarsaatigissagaanni, maanna amerlanerussuteqartut taaneqarsinnaapput, qanoq inissisimanerup erseqqissumik qulaajartariaqarneranik akissuteqaamminni oqariartuuteqartut. Taamatuttaarlumi naalakkersuisut akissuteqaatigisimasaminni, kommunini innuttaasunut sullissinerup suli kivinneruneqarnissaa siunertaralugu erseqqissarpaat, eqaannerusumillu suleriuseqartariaqarneq oqariartuutingaluguttaaq. Taannalu pissanganarpoq maanna sumut killissimassaneraat.

Toqqaannartumik taarusungilara, una maanna siunnersuutaasoq kommunit killeqarfiisa ilusaasalu allanngortiterneqarsinnaanissaanik. Pingaartuusutulli isigivara, ullumikkutut ingerlatilluta ilumut qanoq pitsaaquteqarlunilu ajoquteqarpa? Tamanna erseqqissumik akissutissarsinissaa pissanganartuuvoq paasissallugu.

Uanilu ujartunngilara, inuiaqatigiit allaffissornikkut annertunerusumik nammakkerneqarnissaat, qanimulliuna oqartussaaqataanerup maanna ilaatigut tammarsimasutut taaneqarniartaleraneni, allatut ajornartumik qulaajagassaqaartugut. Nalunaarummik annertuumik naalakkersuisut suliaqartariaqarnerat avaqqukkuminaappoq, suliammi erseqqissup takutissinaalissammagu tikkuussiffeqartissinnaalerluta, qanoruna iliorutta inuiaqatigiinni suleriuseq pitsaanerpaq nassaarisinnaagipput, uagutsinnullu tulluunnerpaajusoq.

---

<sup>1</sup> Kommunit ataatsimoortinnerat (UKA2008/62), Qaasuitsip Kommuniata aggulunna (UKA2016/117) kiisalu Kommunal Styrelse pillugu allannguutit (UKA2017/106)



Namminerlu assersuutiniq tigulaarilaassaguma, Avannaata Kommuniani najungaqartutut, Qaasuissup kommunea piuleraluarmat, inuuninni aatsaat taama nammineq illoqarfik angerlarsimaffinga Ilulissat kataatsigitillugu takungakku. Qaasuissullumi kommuneata avinneqarnerata kingorna ukiut sisamat qaangiussimalerneranni, pissutsit pitsanngoriaateqarsinnaanerannik neriuteqarnerput attattuarparput. Killiffilli sulii unammillernartumiingaatsiarsimasooq kommuni nutaaq piliinnartoq, sulii aggorneruneqartariaqarnera nilliaatigineqartalereerpoq.

Nunattalumi sinnera qiviassagutsigu, nunatta kangiani nunaqqatigut ilaatigut oqariartuuteqartuarput, kommuneqarfik Sermersuumut ilanngutsinneqareernerminni, ulluinnarni atukkamikkuq oqartussaagataaeramikkuq eqqungaasimaqalutik.

Ilami immaqa Kanukoka ingasattajaartorsuarmik partiilersuuffiullaarsimanngitsuuppat, kommunilli tamarmik pitsaaneruumut ingerlanissaannut siunertaqarfiusimasuuppat, innarliinerup minnerusimasinnaangaluarnera qularnanngilaq.

Nalunaarusiap suliarineqarneratigut, Atassummiit neriutingaarput innuttaasut qitiutillugit suliniarnitsinni, tamatta maaniittugut siunnerfik pitsaanerpaaq nassaarisinnaalerumaaripput.

#### **Aningaasatigut ingerlatsinikkullu pisortanut kingunerisassai:**

Nalunaarusiorneq ukiup ataatsimik sivilissuseqarnissaa naatsorsuutigineqassaaq. Tassungalu 1,5-2 mio. kr.-nik illikartitsisoqassaaq.<sup>2</sup>

#### **Namminersortunut aningaasarsiorneq allaffissornikkullu kingunerisassai:**

Soqanngilaq.

#### **Innuttaasunut aningaasarsiorneq allaffissornikkullu kingunerisassai:**

Soqanngilaq.

---

<sup>2</sup> Kommunit aqqiussuusaaneri pillugit nalilersuinermi 2015-mi saqqummertumi 1.500.000 kr-nit 2014-mi ilassutitut aningaasaliinermi illikartinneqarsimapput.